

Probleme

Hal mar op, ik heb `t al gehuurd
de band speelt in de buurt
met din bekende zanger
heej mog d'r zien, de megjes zeen 'm gear
mar `ie ging toch wal wat ver
zien nichtje dat is zwanger
want ge wet: zo'n jonge doege neet
ze brenge veul verdreet
ik ken dat soort al langer

oh, ho, dan hedde nog di gitarist
di neave 't putje pist
ik zuj de bien mar neme
oh, ho, keumt dat buske dor d'n bocht
zonder dat ge d'r um vrogt
beginne de probleme

zeg mar niks, ik haj 't al verwacht
en onder os gezagd
't was din dikke drummer
duk in de kroeg, heej zuupt zich an de grond
heej kiek ok ni gezond
al din drank makt `m ni slummer
't waas zat, zien vrouw die woord hiel kwoad
en midde op de stroat
zat zeej `m op zien nummer

oh, ho, pas mar op veur din bassist
geboare pessimist
ik zuj de bien mar neme
oh, ho, keumt dat buske dor d'n bocht
zonder dat ge d'r um vrogt
beginne de probleme

want opa zag, en opa haj geliek
`in elke kelder leet 'n liek'
kiek neet nar rang of stand
al dat geproat, 't het `m nooit gerakt
heej het alles meigemakt
heej was zelf muzikant

oh, ho, en ik vergeat d'n trompettist
d'n accordeonist

ik zij de bien mar neme
oh, ho, keumt dat buske dor de bocht
zonder dat ge d'r um vrogt
beginne de probleme

[Muziek: Tren van Enckevort, tekst: Martîn Rongen]

[cd 'Vandaag', HKM, 2000]